

Datum: 08.12.2021.

Broj: 02-06-881

TI BiH organizuje konferenciju povodom međunarodnog dana borbe protiv korupcije

Sarajevo, 08. decembar 2021. – Povodom 9. decembra, Međunarodnog dana borbe protiv korupcije, Transparency International u Bosni i Hercegovini (TI BiH) organizuje konferenciju pod nazivom „Reformski izazovi u borbi protiv korupcije u BiH“, koja će se održati u četvrtak 9. 12. 2021. godine u Sarajevu u hotelu Europe, sa početkom u 09:00 časova.

TI BiH će na konferenciji predstaviti novu web stranicu acmonitor.ti-bih.org koja pruža pregled efikasnosti primjene ključnih antikorupcionih zakona u oblastima javnih nabavki, finansiranja političkih partija, sukoba interesa, integriteta pravosuđa, slobode pristupa informacija i zaštite prijavilaca korupcije. Pored navedenog, razgovaraće se i o trenutnim mogućnostima poboljšanja postojećih zakonskih rješenja s ciljem izgradnje institucionalnog integriteta kao jednog od osnovnih preduslova za borbu protiv korupcije.

Konferenciji će prisustvovati ambasadorica Švedske u BiH Johanna Strömquist, ambasador Sjedinjenih Američkih Država u BiH Eric Nelson, poslanici u Predstavničkom domu PS BiH Branislav Borenović i Nikola Lovrinović, zamjenik ministra pravde BiH Nezir Pivić, kao i drugi predstavnici relevantnih institucija zaduženih za borbu protiv korupcije, predstavnici međunarodnih institucija u BiH, kao i organizacija civilnog društva.